

Irrigatsiya va melioratsiya ob'ektlarida ilmiy kuzatuv

O'zbekiston Respublikasi Prezidentining 2020 yil 11 avgustdagi "Jizzax va Sirdaryo viloyatlarida suv resurslaridan samarali foydalanish va yerlarning meliorativ holatini yaxshilash bo'yicha kechiktirib bo'lmaydigan chora-tadbirlar to'g'risida"gi PQ-4801 - sonli qarori bo'yicha hozirgi kunda Jizzax va Sirdaryo viloyatlarining irrigatsiya va melioratsiya ob'ektlarida keng ko'lamli ishlar olib borilmoqda.



Qarorda keltirilgan topshiriqlar doirasida irrigatsiya va melioratsiya ob'ektlarini qurish va rekonstruksiya qilish loyihalariga ilmiy texnik xulosa berish hamda ishni bajarish jarayonida kuzativ ishlarini olib borish bo'yicha Toshkent irrigatsiya va qishloq xo'jaligini mexanizatsiyalash muhandislari instituti bilan va "Sirdaryosuvqurilishinvest" va "Jizzaxsuvqurilishinvest" Davlat muassasalari o'rtasida shartnomalar imzolangan bo'lib, institutning professor-o'qituvchilari, ilmiy xodimlari, doktorantlari, magistrleri va talabalari shartnomalarning bajarilishida ishtirok etishmoqda. 2021 yilning 11-12 sentyabr kunlari Irrigatsiya va melioratsiya kafedrasida dotsentlari Mamataliyev A.B. va Bortirov Sh.Ch rahbarligida kafedra mustaqil tadqiqotchisi Yulchiyev D.G., tayanch doktorant Mardiyev Sh.H. va stajyor-tadqiqotchi Malikov E.N. lar Sirdaryo viloyatidagi qurish va rekonstruksiya ishlari olib borilayotgan irrigatsiya va melioratsiya obyektlariga navbatdagi tashrifni amalga oshirdilar.



Tashrif davomida rekonstruksiya ishlari olib borilayotgan Sardoba tumanidagi QK-6a, QK-6a-1, K-7-8, K7-8-2-1, 4-K-3, 7-K-3, Oqoltin tumanidagi 10-K-2, 17-K-1, 17-K-2, 17K-1-1 kollektorlarida kuzatuv ishlari amalga oshirildi. Bu jarayonda "Sirdaryosuvqurilishinvest" Davlat muassasasi bosh muhandisi Jalilov S., har bir ob'ektning texnik nazoratchilari va qurilish tashkiloti xodimlari ishtirok etdilar. Kuzatuv ishlari vaqtida ba'zi kamchiliklar ko'rsatib o'tildi, bu kamchiliklarni bartaraf qilish bo'yicha ko'rsatmalar, maslahatlar berildi. Shu bilan birgalikda institut professor-o'qituvchilari tomonidan kollektor tarmoqlarini rekonstruksiya qilish bo'yicha master-klass o'tib berildi. O'bektlarda rekonstruksiya ishlari tugagunga qadar ilmiy kuzativ ishlari davom ettiriladi.



TIQXMMI matbuot xizmati